

## **Pantun-pantun dadah..**

Malaysia terkenal lagi disegani,  
Islam hadhari sumber inspirasi,  
Hidup sihat diri dihormati,  
Jauhi rokok dadah dihindari.

Perwira berani pergi membela,  
Menjaga negara korbankan jiwa,  
Wahai insani bukalah mata,  
Dadah berbahaya pembunuhan manusia.

Senjata tajam sungguh bahaya,  
Buaya berenang dihempap galah,  
Biarlah mati dikenang bangsa,  
Janganlah mati kerana dadah.

Indahnya buana juga angkasa,  
Tidak terkira beribu batu,  
Dadah durjana perosak bangsa,  
Remaja terleka mengapa begitu

Indah baiduri dari kencana  
Cantik di pakai ke sana sini  
Pendidikan diberi kesedaran dijana  
Terhapuskah dadah di dunia ini

Anak merak anak anakmerbah  
Asyik beradu dalam sarangnya  
Rosak akhlak kerana dadah  
Remaja begitu apa puncanya

Batu delima dipecah kecil  
Angin puputan awan berarak  
Punca utama dadah diambil  
Pengaruh rakan sukar di tolak

Ulam senduduk dan juga penggaga  
Enak dimakan di atas tikar  
Iman di pupuk takwa di jaga  
Barulah dadah boleh di hindar

Maka seorang pujangga pun berkata,  
"adalah dadah itu musuh utama negara  
adalah dadah itu perosak jiwa  
adalah dadah itu pembunuh semata-mata."

Hari ini,  
angkara dadah telah mati seorang negarawan  
angkara dadah telah mati seorang seniman  
angkara dadah telah mati seorang olahragawan  
angkara dadah telah mati seorang jutawan  
angkara dadah telah mati seorang sasterawan  
angkara dadah telah mati seorang ilmuwan  
angkara dadah telah mati seorang wirawan.

Bertahun-tahun kau hidup meracuni manusia  
kau tidak mengenal anak, bapak, ibu, saudara atau keluarga  
kau racun dalam khayal yang tidak terduga  
seperti tercatat dalam sejarah  
jatuh kota Melaka dan musnah kota merdeka  
oleh candu, marijuana, morfin, heroin atau apa-apa sahaja namamu  
kaulah penghancur sebuah tamadun bangsa dan negara.

Tuhan,  
bekalkan aku kudrat iman yang tulus  
untuk melewati lorong hidup  
yang penuh onak dan duri  
juga gelombang di laut masa depan  
dewasa mengejar cita-cita  
tegar memburu negara jaya.

Sahabat segenerasiku,  
rimba di depan kita masih luas terbentang  
mari kita pilih jalan lurus ke syurga  
bukan lorong hitam ke neraka